

صاحبي ، مدیری ، محرری :



آبونه بدلی :

سنه لکي ۱۰۰ غروش
آلتي آياني ۵۰ »
اوي آياني ۲۵ »

مخبر

۱۳۳۸

اداره خانه سي :
شهرزاده باشنده (تعالی اسلام)
جمعیتی مرکز عمومی
مرکز توزیعی :
باب عالی جاده سنده اتحاد
تجارت کتبخانه سی
اسلامك نفعنه خادم مقالات
مع القشكر قبول و درج اولونور

يازاك شخصيتي دكل ، يازينك اهميتي
نظر دفته آليتي

دینی ، علمی ، ادبی ، اجتماعی و شیعیه شهرى
مجموعه اسلامیه در

كلن يازيلردن شايان قبول كورولنل تاريخ
ميراسيله درج اولونور .

عدد : ۵

۱۳۳۹ ربيع الاولنه مخصوص نسخه

في ۷ بوجوق غموش

مدير جات :

قرآن كريمك ايلك نازل اولان آيتلى (طاهر المولوى) - برآيت مناسبيله (فريد) - يوم وانواعى : (احمد ضيا) -
علم هيتك مبدأى (سعدى) - ربيع الاول و مولد شريف (طاهر المولوى) - مولد نبوى احتفالتك مستند شرعى (محمد كامل) -
اسكيدن متقبه مولد قرائتى ناصل اجرا ايديليردى (عطا تاريخي - طيار زاده عطا بك) - مدحت رببى بك مرحوم : (طاهر المولوى) -
غنى كشميرى و بعض ايساتى (طاهر المولوى) - بحبي افندى دركاهى شيخك تاريخ ارتحال (سعود المولوى) .

ربع دائره نك صورت استعمالى

احمد ضيا بك افندى طرفدن تحرير ايديلوب طبع ايديلكده اولديني محفلك ۳ نجى نسخه سنده تيشير اولونان
ربع دائره رساله سي بودفعه برطرز نوين و كزينده اكمل ايديلهرك حكاكر چارشيسنده خواجه مصطفى اقدينك
دكاننده (۴۵) غروش بدل ايله صالقمده در .

مؤلف موماليهك (ربع دائره نك اساسى و طريق ترسيمى) عنوانلى رساله سنك ده قريبا انتشار ايدى جكي مع المسار استبشار ايدلشدر .

دینی درسار — مؤلفى آقسه كيلي احمد حدى

اسلام يولى — اسكيليلى محمد عاطف

اسلام چيغىرى — » » »

بواثرلرده ميدان انتشاره قونولش و عموم كتابخيلرده صالقمده يولو نمشدر . كرك ضيا بك افدينك ، كرك حدى
وعاطف افنديلرك قدرت فاضلانلرى مجموعه ده كي يازيلريله مبرهن اولديغدن اثرلى حقنده فضله سوزه لزوم
كور ميورز هر برينى مؤلفات جديده مراقيليرينه توصيه ايدرز .

آبونه لريزدن رجا — محفلك نسخه لرى صورت منتظمده كوندريلكده ايسده آبونه لريزدن بعضيلرينه واصل
اولامادقلى آكلاشيلور . بناء عليه مجموعه سي كلمه ين ، برده تبديل اقامت و مأموريت ايله ين آبونه لريزك اداره مزه
معلومات و برمه لرى رجا اولونور .

مصدر اولارق تبلیغ ایتدیریور . صوکر ذات اجل و اقدسک اکر ارباب کرم بولوندیغنی بیلدیرمکه برابر جمله مکارمندن بری ده انسانه بیلیمه دکلیغنی اوکره تمک و بو فیض تعلیمی قلم واسطه سیله اجرا ایتک اولدیغنی خبر ویریور . نظم ربانیدنک دیگر بریرنده قلمه واونکه یازیلش اولان سطور معرفته قسم بویور و یور .

قدر قلمی آکلاکه اجلال عظیمی

زردیک آلهیده بیه جای قسدر

هونی

اعلم الانبیاء علیه اکمل التحایا افندیغزده طلب علمک قادین ، ازلک هر مسلمانه فرض اولدیغنی اخطار و علمی اوکره تمه نک خشیت ، طلبک عبادت ، مذاکره سنک تسبیح ، مباحثه سنک جهاد ، بیلیمه نه اوکره تمه نک صدقه ، ارباب استعدادده بذل ایتمه نک اللهه تقرب درجه سنده بولوندیغنی و حلال ایل حرامک آنجا قلم ایل بیلنه بیه جگنی (تعلموا العلم فان تعلمه خشية و طلبه عبادة و مذاکره تسبیح و البحث عنه جهاد و تعلیمه لمن لا یعلمه صدقه و بذله لاهله قرابه و به یعرف الحلال من الحرام - کشف الغمه - عبد الوهاب شعرانی) حدیث تشویق بیانیه اخبار ایدیور . او حالده ... علمک و تعلم و تعلیمک مسلمانه لقمده کی اهمیت و قدسیتی حقنده فضله سوزه حاجت قالماز .

طاهر المولوی

برایت مناسبتیه :

« لاینیج » . کوره عالم وجودک هر جزئی مظهر حیات اولدیغندن هیچ برشی عدمه منقلب اولماز . عدمدن ایجاد اشیا نصل بر امر فوق العاده ایسه اشیا موجوده نک عدمه ارجاعی ده اویله بر امر خارق العاده در . شو قدر و ارکه بوتصرف قدرت الهیه دن خارج دکدر . جناب حق اشیا وجوده مقارن قیلدینی کی عدمه ده مقارن قیله بیلیر ، آنجی موجودی معدوم ایتک ایچون یار اتمامشدر . هر

شینک نامتناهی ماخلق لهی اولدیغندن موجوداتک کافه سی نامتناهی غایاته متوجها حرکت ایتکده ، فقط هیچ برشی معدوم مطلق دینه جک حاله کله مکده در . بنابرین موت دینیلن کیفیت ، آنی بر تبدلن باشقه برشی دکدر . وجودک بو استحاله سی آکا حاکم اولان « موند » ک ماده ایل (یعنی کندی اطرافنده جمع ایلدیکی تالی « موند » لرله) بوسبتون قطع علاقه ایتسنی استلزام ایلز . زیرا قانون اتصال بوکا مانعدر . حیات حاضره ایل حیات مستقبله آراسنده مناسبات مشترکه واردر . نفس ، یا خود روح کندی قالب اخیرینک جزء رقیقنی ، علی الخصوص کندی ادراکات سابقه سنک غیر قابل زوال آثارینی دائما محافظه ایدر . شو حالده موت دینیلن کیفیت ، حقیقی اولمقدن زیاده ظاهری دینه بیه جک بر حادثه خارجه در .

اولمک بویله اولدیغنی کی دو غمق ده باشقه برشی دکدر . اوده بر نوع اولومدر . فقط بوندن روحک ابدان مختلفه یه حلولی دیمک اولان تناسخ معنایی آکلاشیلما مالیدر . هر هانکی بر صورت تحتنده ظهور ایدن بر موجود ، آندن اول دها نیجه نیجه صورتلر تحتنده وجوده مقارن اولمشدر ادراکات مکتسبه ساحه سنده جولان ایدوب هنوز شعور مرتبه سنه ارتقا ایلدیکی جهته موجودیت سابقه سنه متعلق اولان حالاتی تذکر ایده مز . جوینه منویه دها واسع بر ساحه یه ، یعنی ساحه انسانیه کله دیکه عقل و شعوره صاحب اوله ماز .

حیات نباتیه و حیوانیه علی التدریج شعور مرتبه سنه واصل اولور . نفس ذات الحیات ترقیاتنده دوام ایله مرتبه عقل و شعوره ارتقا ایدر .

حیوانات سائرده دن تمیز مزی استلزام ایدن شی ، حقایق واجبه ازلیه دایر اولان معرفتمزدر . بومعرفت سایه سنده دائره انس الهی یه داخل اولوب معشر ارواحک افرادی عدادینه التحاق ایلر . تک بر روح ، بر عالم حکمنده در . زیرا او یالکز عالمی افاده ایتز ، آنی بیلیر . اونده سنت الهیه یه وجهله اجرای تصرف ایدر . جواهر

محفل فنی :

یوم و انواعی مابعد :

ایمدی ارضك هر نقطه سنده بولندینی آن ؛ حرکت دورانیه نك و بناء علیه ، یومك مبدأی اعتبار اولور سه بعدالدور ایکنجی دفعه عین وضعیتده بولندینی زمانه قدر کچن مدت بر یوم شمسی اولور سنده شمسك نصف النهار سطحی اوزرنده هر کونکی بولندینی موضع لر عینی اولیوب سطح مذکور اوزرنده سیره کلی ، صیقلی بر طاقم نقطه لر اولور .

نصف النهار عمود اولان افقه کلنجه : مادام که نصف النهار ، خط شاقولی ایله محور ارضك تشکیل ایلدیکي خطین متلا قینندن حصوله ککشد ، و خط شاقولی به عمود اولان هر سطح یکدیگرینه موازی مستوی افق لر در ؛ احوالده مختلف ارتفاع لرده بولنان متعدد کسه لرک خط شاقولیلری بر اولدینی حالده افق لر مختلف اوله جنی جهتله ارضك حرکت محوری سنده شمس متعدد افق مستوی لرندن بری حداسنه کلیر سه دیگرینه هنوز کلامش ویا آندن کچمش بولنمقده در .

بر افق مرئی ثابتدن شمسك غروب یوم ایچون مبدأ قبول ایندی لور سه ؛ بر غروب دن دیگر غروب قدر اولان دور مدتی یوم غروب یوم مذکورک ۲۴ اقسام متساویه سندن برینه مساوی اولان ساعتی ده ساعت غروب شمسکی دو . ادنی بر ملاحظه ایله آ کلاشی لور که مبدأ لری متحول و حرکتی غیر منتظم بر جسمه تابع اولان دیگر بر جسمك حرکتی ده غیر منتظم اولور . حرکت منتظمه ایله حرکت ایتمکده بولنان ساعت ماکنه لری شمس حقیقینک حرکتیه تابع طوتیه لر ایشله تیلدیکي حالده بای حال ایلری کیدوب کری قالمسی لازم کله جکدر . بوندن طولای ، طوغری ایشله میور دیه ساعت لرک راقصنی ایندیروب بندیره رک حرکتی لر تغییر ایدلمکده در . خصوصیه عین موقعده فقط سطح محردن مختلف ارتفاع لرده

سائر ، جناب حقندن زیاده کثاتی ، فقط عقول و ارواح ، کثاتندن زیاده جناب حق بیلدیرر . شو حالده ارواح یالکمز جواهر اولمق اعتباریه دکل ، اشخاص اولمق حیثیتله ده قابل فنا دکلدر .

ارواحك شانی ، ماخلق لهی دائما کالات و ارتیاجات جدیدیه واصل اولمق در ، بوا یسه هایتنز بر ترقی دیمکدر .
استطراد

شو سطرلری یازارکن مشوی شریفک آتیده کی بیتلریله ابن یمنک سوزلری خاطره کلر :

مردم از حیوانی و آدم شدم
پس چه ترسم که ز مردن کم شدم
حمله دیگر بمیرم از بشر
تا بر آرم از ملائک بال و پر
بار دیگر از ملک پران شوم
آنچه اندر و هم ناید آن شوم
پس عدم کردم ، عدم چون ارغنون
گویدم انا الیه راجعون

§

مشوی

بجهادی چوزدم خیمه بصحرای وجود
از جادی بنباتی سفری کردم و رفت
از بنباتی کدزم بر سر حیوان افتاد
دیدم آن مرتبه را هم سپری کردم و رفت
باملائک پس از آن صومعه قدسی را
نیک برکشم و نیکو نظری کردم و رفت
بعد از آن در صدف سینه انسان بصفا
قطره هستی خود را کهری کردم و رفت
بعد ازین راه برو بردم و بی ابن یمن
همه اوکشم و از خود کدزی کردم و رفت
مابعدی وار

فرید